



Broj: 11-19-11-2-2412-2/26

Datum: 28.09.2026.godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14), čl. 26. i 70. Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje pregovaračkih i ograničenih postupaka nabavki za 2026. godinu, direktor Federalne uprave policije, donosi:

ODLUKU O PONIŠTENJU POSTUPKA JAVNE NABAVKE BALISTIČKE OPREME - LOT 2

I

Ovom Odlukom poništava se postupak javne nabavke balističke opreme i to: LOT 2 - Nabavka kaciga iz razloga što je ponuda ponuđa SHOT d.o.o. Zenica ocjenjena neprihvatljivom.

II

Ova odluka objavit će se na web-stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama („Službeni glasnik BiH“, broj 39/14, 59/22 i 50/24).

III

Za izvršenje Odluke zadužuje se Komisija i Sektor za finansije i javne nabavke.

Obrazloženje

Na osnovu Odluke broj: 11-19-11-2-2412 od 02.06.2026. godine i Obavještenja o nabavci broj: 1412-2-1-126-3-141/26 od 05.06.2026. godine objavljenog u „Službenom glasniku BiH“ br. 40/26, dana 12.06.2026. godine, Komisija ugovornog organa, imenovana Rješenjem, broj: 11-11/4-30-2-430, od 23.03.2026. godine i i rješenjem broj 11-11/4-30-2-430-1/26 od 30.07.2026.godine (u daljem tekstu: **Komisija**), provela je ograničeni postupak javne nabavke balističke opreme za više LOT-ova.

Dana 18.8.2026. godine na portalu javnih nabavki objavljen je poziv za dostavljanje ponuda (II faza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači:

- **SHOT d.o.o. Zenica**
- **ATEX D.O.O. SARAJEVO**

Prema Zapisniku sa otvaranja ponuda broj:11-19-11-2-2412 od 22.09.2026. godine, Komisija je konstatovala **da je za LOT 2** blagovremeno je zaprimljena ponuda ponuđača SHOT d.o.o. Zenica sa ukupno ponuđenom cijenom ponude od 222.500,00 KM bez PDV-a, odnosno 260.325,00 KM sa PDV-om.

Analizom dostavljene ponude, Komisija je ustanovila da Ponuda ponuđača SHOT d.o.o. Zenica ne ispunjava uslove iz tehničke specifikacije navedene u obrascu tehničke specifikacije KOMUNIKACIJSKI SET - SLUŠALICE -audio profili. Od zahtjevana 4 audio profila, ponuđač je u tehničkoj specifikaciji ponudio samo „taktički“, a zatim i zahtjevani dio tehničke specifikacije koja se odnosi na PTT prekidače i zahtjevani način rada istih nije uopšte ponudio u tehničkoj specifikaciji.

Nadalje, analizom ponude, Komisija je utvrdila da ponuđač nije dostavio zahtjevane ateste u originalu ili ovjerenoj kopiji, kako je to propisano tačkom 4.1. pod 9), a atesti i cetifikati su traženi za tačke BALISTIČKA ZAŠTITA i SISTEM VEZIVANJA (vodilice i NVG).

Svi dokumenti dostavljeni na stranama od 175- 185 (atesti), kao i dokumenti dostavljeni na stranama 111-119 ((certifikati), dostavljeni su u običnim kopijama u boji.

Shodno gore navedenom, ponuda ponuđača SHOT d.o.o. Zenica za LOT 2 ispunjava ekonomske, ali ne i pravne i tehničke uslove zahtjevanje tenderskom dokumenetacijom u predmetnom postupku javne nabavke, te se ista cijeni **neprihvatljivom** za ugovorni organ.

Obzirom da ponuda ponuđača Shot d.o.o. Zenica ne ispunjava u cjelosti uslove traže tenderskom dokumentacijom, Direktor prihvata preporuku Komisije i daje saglasnost za poništenje postuupka javne nabavke balističke opreme –LOT 2 -Nabavaka kaciga i da ponovi postupak javne nabavke u skladu sa Odlukom o pokretanju postupka.

Cijeneći navedeno, donesena je Odluka kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. stav (1) pod d) Zakona o javnim nabavkama („Službeni glasnik BiH“ broj: 39/14, 59/22 i 50/24).

DIREKTOR
GLAVNI GENERALNI INSPEKTOR POLICIJE

Igor Marić

Dostaviti:

- Ponuđaču putem Komisije
- Sektoru za finansije i javne nabavke
- Kabinetu direktora uprave policije
- Komisiji
- a/a

